

SIAYĖKEMACA SIABAI KĖOJĖNA KAYAYE KUI'NE JĖNA, PAIYE KAWESOSE'EPI SIAYE TUTU PAYE JAI TSUTSUPĖA OMETĖKANA

NUĖEREPA SIA'WE'ŅA CAHUSEOSE'E MAI PAL KĖOPAYE

Kaya jĖņa kou KĖna ometĖkawĖ sia'we'ņa sewojĖ kui'ne canĖowĖ si'aye pai paija'ņe tutukĖ'ye, iți kĖaye kato pai'ji iye ģese saieoni. Icona tsoe paikona ģajĖ, jaipai tsi'sisito kakua'i seņĖ iți toyapĖpĖ kĖawesojĖ'Ė sia'we'ņa, jamaka ģasiko paija'kore siapai, kui'ne kĖajĖ paija'cua'ire toyaja'o ye'yewe'ņaje, yeke pa'yea'Ė kajĖ ģaņeje peoye i_wa'i kuasajĖ nese'e yekĖ yeja pai.

Ja'a_wĖoko

Kase'epi de'oye, kone kui'ne jeoņe payĖ jaje, sia'we'ņa ģase'erepare sa'nawĖ payĖ sia'yĖ'kĖ maka tutu, kui'ne sioma'ņerepare sia'pai tsĖkapĖ pai'ye.

Jaje paikĖta'a kuasayĖ ģama'ayepi kui'ne oima'ayepi, pa'iji sia'paire, japi ai jaiye ģese saniwesĖji pai pa'ijĖ kuasaye, kui'ne aijerepa kawesose'pi, jaje pa'ina kokase'e kayĖ de'oye pa'ieye kui'ne de'oye pa'iyĖ kuasajĖ sewoye.

Jaje paise're yure kato ģasikua'irepa kui'ne kĖkopakua'i pa'ieye pa'iji, kua'ye pa'ise'e jeoni paimakata'a pa'ieye pa'iji nejo ma'kua'i.

Jamakata'à ģese de'oyerepa ģese saiyĖ siwajĖ kui'ne pa'iyĖ yekĖwe'ņa ģasikua'irepa.

YekĖwe'na yejaņa kato de'oyerepa kuasani kuinaoni kanĖowesĖwĖ. Toya ja'wana pai tutukĖiwa'i paija'ne, de'oyerepa kui'ne iwa'irepa'Ė kajĖ, si'ayĖkĖmaka ĖmĖowa'i kui'ne nomiowa'ije koni, tsoe jaje pa'ina jeowesowĖ ai jai kore, de'oye pa'iyerepare kasikua.

Iye kuasaye cato sewosikua kadĖowesĖja'core, oiyyerepapi si'aye kuasajĖ, tsi'sisikua'ija're kawesĖ ja'ņe, si'aye oiye kui'ne tutukĖ'yerepa pa'ija'ņe jamakata'a kuade'oye pa'ieye pa'iji pal.

Iye kato kuasase'ea'Ė si'aye tutupa'ieye, jaje pa'ina iye kato ai de'oyerepa'Ė iți ģese saija'ņere kuasajĖ sewowesĖse'ea'Ė.

Tsi'sini jai pai koka kako

JĖaye kawesoyĖ yure

Si'aye pai_tutu pa'ieye kĖawesosikua, ikore kato si'a daripĖa kui'ne jaiwe'ņaje nesaoye pa'iji, te'owa'imaņaje kui'ne kua'me kokaĭwe'ģamaņaje, ģese saye pa'iji de'oye kajĖ, jamakata'a si'adaripĖa pa'ieye pa'iji de'oye kui'ne yeja pa'ieye conĖ kĖkojĖ.

Te'o ako kĖaye.

Si'apai aide'oyĖ kua'ye peoye kui'ne siayĖ'kĖ maka pa'ieye kui'ne tutupaye koni, jaje kuasase'sĖtepi kuaju'i'ne peoye ģese saieye pa'iji kokaĭjĖ yekĖ paireje.

Kayaye ako kĖaye

Si'a pai payĖ tutu kui'ne kua'ye peoye yure ikore ai jĖaye kawesosido'ire, jaje pa'ina ģaņe peoji yekĖ paiņa'Ė kajĖ, iyeje pa'yere, pai, koka, iowa'i pa'ieye, kuasaye, pani iyese'e kayepaņĖ kuasia'ye pa'ye, kuri pa'ye, aideo'ye kui'ne kuasi'aye pa'ieye.

Kui'ne yekeje pajakua'ia'Ė kaye yeke iwa'i kuasayepi iyea'Ė kajĖ aijaidaripĖa sia'we'ņaje panije yeja paiņeje iti paipi kuasajĖ neņe pa'iji, jai daripĖa kaye kato te'owaise're kaņeje pa'yea'Ė, iwa'ise'e kuasayepi neĖĖ.

Toasoņe ako kĖaye.

Teo'wa'ije payĖ de'oye tutu pa'ieye, kua'ye peoyeje koni, kui'ne kĖcojĖ pai_pa'ieye.

Kajese'e ako kĖaye.

Si'awa'i pa'ieye peoji kua'ye jĖaye pa'ye kajĖ, kui'ne kua'ye yo'okuaņuņeje peoji, iye kato Ėsese'ea'Ė sia'ye pa'ye.

Te'jĖtĖ ako kĖaye.

Jare si'apai kua'ye yo'okuaņoņe tipeoji, tĖ'caye, tseañe, wanijeañe panije ai kuaye pa'ye.

Te'e jĖtĖ ĖjatupĖ kĖako.

Si'apai payĖ tutu, sia'we'ņa kui'ne ģakuaņuņeje pa'iji pai karepase'e pa'ieye.

ĖjatupĖ kĖnope.

Si'apai pa'iyĖ sia'yĖ'kĖmaka kui'ne payĖ yekua'ia'Ė kaye peoye, jaje pa'ina Si'awa'i payĖ tutu karepaye akĖpai_kĖ'ro. Jaje pa'ina mai_tutu payepi de'oye pa'iyepa'iji, tsoe ikore kawesosidoipi kokaiji kua'ye kaye peoye pa'ija'ņe.

Kayaye te'ejĖtĖ ako kĖaye.

Si'a pai tutu payĖ de'oye pa'iyere kuasajĖ yekĖwe'ņa saņupe kajĖ, mai_kase'pi kokaijakĖ kua'ye yo'oma'kuai'ni kajĖ mai tutu kĖ'ye paiye, jeje paina maire toyapĖpĖi kakorepa pa'ijakĖ.

Te'e jĖņa ĖjatupĖ peoye kĖako.

Jare peoji mal tsea kuaņuņe.

Kaya jĖņa ako kĖako.

Si'a pai payĖ deoye paiye, si'ayĖ'kĖmaka paiye, jamakata'a sia'we'ņa asasaoye pa'iji kui'ne oirepayepi kua'ye paise'eje carojaiye pa'iji kui'ne kuaņeņe paiji neņaņe paiji kuasia'ye pa'ye iti kase'e sa'ņe pa'ieye.

KayajĖņa te'o ako kĖako

Si'a pai kua'ye yo'o sikua'i payĖ tutu iwa'i yo'ose'e jayuta'a iti ģati'aņe pa'iji do'ikĖ'ye, iți kase'je paiye, kui'ne kaye paiji sia'we'ņa jamaka kase'repa pa'iji tutu pa'ye.

Si'a pal peoji kua'ye paye painije siokuaņuņe ja yuta'a ģati'ama'maka kato, jaje pa'iji tutu pa'ye yekĖ daripĖa paiyeje. Jaje paina peoji maipi caye de'oye nede'waĖ'Ėje pa'yere aijerepa kua'yena saieye peoye.

Kaya jĖņa kayaye ako kĖaye.

Mai teowa'i paiye kato peoji kaye kua'maņa'Ė kajĖ ģese kaye, mai tsĖkapĖreje, mai paiwe'ņaje panije ise'e pa'ito peoji kua'aye neņeje peoji ipi kuasakĖ pa'ieye. Jaje pa'ina si'a pai_payĖ de'oye pa'ieye, jaje paina nejo jeoņe paiji kua'ye paise'e.

Kaya jĖņa kayaye te'o kako kĖaye.

Si 'a pai_payĖ deoye daoye sia'we'ņa kui'neje yeja pĖaņeje koni.

Si 'a pai payĖ tutu kuasi'adaripĖa, ipaidaripĖ, jaje saisikĖre ta'a ko'ieye pa'iji i mai_daripĖa.

Kaya jĖņa ĖjatupĖ peoko ako kĖaye.

Kue'kua'i pa'ito, sia'pai payĖ tutu kĖ'ye payĖ katiye paiji kuasia'yējaņa, jamaka siwajĖ pa'ieye pai'ji iți ku'ase'e.

Iye pa'ye kato peoji sa'ņe kua'ye neņe, kua'ye payena, panije sa'ņe kayeje peoji yekĖ jaiwe'ņa pai yejaņa'Ė kajĖ.

Kaya jěña yekě jětě ako kěaye.

Si 'a paije tutu payě pai paiyerepa

Jare peoji ẹseye i pa'iwe'ña yeja akěre, yekeje tipeoji kaye yěkě pa'iñeje paijě'ě kajě.

Kaya jěña yekě jětě te'o ako kěaye.

Em̐owa'i kui'ne nomiowa'i, jayuta'a ẹaṇaw̐omakapi tsoe payě tutu, kaye peoji kaje paiña'ě, iti pai'ě kajě wejaye, jamaka wejani siwajě pa'iyе pa'iji kuineje pa'iji jeokoni de'oye pa'iyе itibi jaje pa'ito.

Iwa'ise'e kuasajě kui'ne ẹjěpaija'kēpi kuasani wejaye pa'iji.

Paitsėkapě Kato de'oye paiyere'pa'ě jaje paina ṇacairepayě sia'we'ña akě pa'ije.

Kaya jěña yekě jětěkayaye ako kěaye.

Si'a pai payě tutu pa'iyе yeja, te'iwa'i kui'ne si'apai de'otsėcapěa.

Jare peoji yě'ě tsekua yeja kajě ẹseye.

Kaya jěña yekě jětěkayaye te'o ako kěaye

Si'apai payě iwa'ise'e kuasaye, iwa'i paiye, iye Kato pa'iji si'aye nedewaye iti sewoye, kui'ne koka kaye kuasia'ye sia'we'ña paiwe'ṇana, panije te'owa'ise'e pa'iwe'ṇaje koni, iti ye'yayepi, neṇaṇepi, sewoyepi kui'ne ṇsaoyepi, iyepi pa'iji maire de'oye saye.

Kaya jěña yekě někayo beoko ako kěaye.

Te'owa'ije de'oye payě iwa'ise'e kuasaye kui'ne koka kayeje, iyepi tsi'siji kua'ye pa'ije, josa kakuaṇujě paima'ṇe kui'ne japi kawesorepaye pa'iji, yekeje kaye peoji ikoja'a pa'iji kaye, iyese'e kaye paji, kuasi'aye de'oye saija'ṇere.

Jěña-někaṇua

Si'awa'i te'owaise'e tsi'sini koka kaye payě kuasia'hue'ña.

Jare peoji kuaṇeṇe yekě tsėkapěna tsioni paiye.

Jěna-někaṇua - te'o

Si'a pai payě tsiojaiye mai akěrepa kě'ro, ikě'rorepana te'repapi panije yekě paija're koni iti ṇakěja're.

Si'a pai tutupayě si'ayěkėmaka paiye kua'me nedojaye mai paiwe'ña yeja.

Itidaripěa paikua'i kato payě sia'we'ña akua'i kayere, iye kato kokaiji kaji mai ẹjaewa'irepare m̐ojě saiyere, iti m̐oṇe kato neṇě yawese're, japi kokaiji de'oye karepayepi m̐ose'e.

Jěña-někaṇua kayaye

Si'a pai, ititsėkapěje paiwa'i payě kadėose'repare kuasi'aye kui'ne jaje pa'ina si'a akěpai kokaiye paiji, ja tutu do'ire kuasajě, jaje pa'ina tsoe kuasase'pi kuri pa'iyе, kuasi'aye kui'ne maipaiye, iye kato mai kuasayepi nesaojě paiye paiji sia'yěkě maca pa'yepi .

Jěña-někaṇua toasoṇe

Si'a pai payě kua'me nedojaiye kuasia'we'ña, iwa'i yēyepi tia'ṇe paiji kua'meneṇe, jaje paikėreta'a si'ayě'kėmaka paipi, jaje paina kua'ju'iṇe peoye kua'me newe'ña tra' ni, nejě pai'ye baiji, peokua'i pa'iyе peoji.

Si'a pai payě kui'ne pa'ye tutu, jaje pa'ina kui'ne ja'ṇe kua'meneṇe ti'aṇe pa'iji.

Si'a pai kua'me neṇe tutu payě kui'ne ja'ṇe pa'yě, jaje pa'ido'irekui'ne ja'ṇe kuri neṇepa'iji, nede'huase'e pa'ina de'oye mai tsėcapěje deo'ye kuasajě baija'ṇe, io paire kaṇeje paiye, yekebi karasiko pa'ito neti'aṇe pa'iji.

Si'a pai payě tutu iwai'pi kuasajě tsi'sini neṇe, iwa'i yēyere.

Jěña-někaṇua Kajese'e

Si'a pai payě tutu kua pėawajějě pa'iyе, siwajě pa'iyе ioja'ye kua'mene' ometėkawě tia'seja'ye kui'ne iye pa'iyе kato sa'ṇeṇe pa'iji.

Jěña-někaṇua jětėna

Si'a pai payě mai paiye kadėose'repare, iye pa'yere, mai pai, jujukaiwe'ña kui'ne de'oye paiye sia'ye, ao aiṇe, kaṇa ju'iyе, wě'ña pa'iyе, juikua'ire jujukaiye kui'ne kuasia'ye, yeke payě kui'ne pa'ye kua'me newe'ña paiwe'ña peoye, juidawě, do'ima'pai, aipě maṇa, iyese'e paiyeje pani kuasia'ye iwa'i te'owa'i pa'iñeje pa'ye.

Kui'neje pa'ye ẹtapě kēiwa'i kui'ne tsi mana payě tutu de'oye kokaiyere. Si'a tsi wejani aidewasicoa'i panije kua aide'wakua'nusikua'i payě kui'ne pa'i tuture.

Jěña-někaṇua jětėna te'o

Si'apai payě kui'neja'ṇe totyaja'o ye'yeye. Toyaja'o ye'yeye kato peoji doiye ja'a ye'yehuěje pa'ye kato. Ja'a ye'yew̐oye kato ai kuaṇeṇe paijija'kua. Kui'ne totyaja'o nekaikua'repare kato ai jaiye nesaose'e pa'ijakua, kui'ne aijerepa aye totyaja'o ye' yeye kato' kui'ne paiji sia'waire, io ai do'iko do'ire.

Toyaja'o ye'yeye kato mai pai de'oyerepa pa'ija'ṇea'ě, jaje paina toyaja'o kato itirepa'ě sia'we'ña mai kua'ju'ijě pa'iyе, de'oye pa'iyě kajě, paire sa'ṇe oijě koka kaye, japi pa'ina mai ṇese saiye pa'iji, siwajě.

Pėkaja'kēpi ṇani tseaṇe paiji toyaja'o ye'yeye i mamakěre kokaiyere kuasani.

Jěña-někaṇua jětėna kayaye

Mai aipě ukujě paise'e sia paije payě ukuye mai pa'idaripėakě'ro, siwajě mai tsea'ě kuasajě kui'ne tideo'ye paito tia'ṇepa'iji.

Si'a pai payě iwa'i yēyepi toyaja'o nesaoye, iwa'i kuasayepi, netijini jaiye toypapěa etosaoye, jaje paita'are te'owa'ise'e paye pa'iji iti toypapě akě.

Jěña-někaṇua jětėna- toasone.

Iye maire carepawesose'e kato si'a pai tutu paye pa'iji yekě yejaṇa kě'roje ṇase'repa, jaje paina itirepa pa'iyе paiji iye.

Jěña-někaṇua jětėna kajese'e

Si'a pai payě maire kuaṇese'e mai pa'idaripě kě'ro, maipi de'oye nejě de'oye neto saji mai paiye.

Iye neṇaṇekato mai kėkopayea'ě kui'ne siwajě paiye, kato sia'pai paija'kua'ia'ě toypapě akěpai kase'pi, itikato kanėose're maire kokaija'ṇere kui'ne oiye paise'e, kui'ne kuaṇeṇe paiji iti mai kuasayese'e, kui'ne de'oye paiyěre kajě sia'we'ña mai yēyе pa'yere.

Iye tutukě'ye kato peoji yekua'ipi dekakaiye iti paiye kui'ne iti tsoe yekėwe'ṇaje kase'e pa'ito.

Jěña-někaṇua jětėna.

Jare iye kawesosikore jare peoji yekë paipi iwa'i kuasayepi dani nejë neño'o kajë nedojaye, paije te'e pai dani iye kato akëpai tsea'ë kajë kuasia'ye nedojaiye peoji, iye kato tsoe kawesosikore.